



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

16. De fugitiuis, Eiectis, & apostatis Regularibus.

urn:nbn:de:hbz:466:1-14077

acquisita ad prius Monasterium spectare. Nec est, cur Panormitanus dicat, intelligi de bonis, non quidem patrimonialibus, sed industria, arte, vel labore Monachi comparatis, nam ibi caput nihil in hac re distinguit: ergo generaliter verba illius capitii sunt accipienda. Nec idem iudicium est de spe & iure succedendi, quod de bonis ante iam partis: nam spes & ius succedendi personam comitatur & sequitur, cum non sit Monasterio priori acquisitum: & proinde Religiosus se ex primo ad secundum Monasterium recipiens, ius, quod habet in bonis paternis succedendi, ad illud quoque transfert, non autem bona, qua erant priori Monasterio quæsita. Quo fit, ut si Religiosus Franciscanæ familiae Obscurantis vel Cappuccinæ in Episcopum eligatur, ius habeat succedendi in hereditate paterna, quam acquireret Ecclesia, cui præst: eo quod ad munus & dignitatem Pontificiam evectus, & à religiosis vita instituto ex parte absolvitur, ac in statum pristinum restitutus, quoniam recuperatus succedendi in bonis parentum. Ex quo deditur Couarrutias, Paulum, Cardinalem, & Bonifacium sequutus, in Clement. vlt. de electione. Legatum relictum Monacho sub conditione acquiri illi Monasterio, vel Ordini, in quo Monachus vitam agit tempore, quo conditio impletur, & non alteri, in quo viuebat tempore, quo relictum est legatum. At vero si promissio sit facta Monacho sub conditione, & conditio impletatur post factam professionem in secundo Monasterio, res promissa ad primum Monasterium pertinet, non ad secundum: eo quod in ultimis voluntatibus spes non transmittitur ad heredes. L. ckm heredes ff. quando dies lega. cedat. In contractibus vero transferitur ad heredes. L. Sifilius familiæ ff. De verbis obligat. vel quia primum Monasterium iam acquisierat ius ad rem, quamvis non ius in re. S I R O G E S, quid sit dicendum de eo, qui transiuit ex Ordine religiosorum, qui capax est bonum iure hereditario peruenientium ad Monachos, ad Franciscanam familiam, & in ea secunda professus est, & post professionem in ea factam per obitum patris hereditas ad eum pertinet? Quidam autem eam hereditatem ad primum Ordinem, in quo primam professionem fecerat, pertinere: eo quod Franciscana familia hereditatis capax non sit. Alij probabilius opinantur, eam ad alios patris legitimos heredes attinere, quia per professionem secundam factam in Ordine Franciscanorum desit omnino esse Religiosus primi Ordinis, quia ab eo absolutus est.

Cap. XVI.

*De Fugitiis, Eiectis, & Apostatis
Regularibus.*

P Rimò queritur, In quo differant Regularis Fugitiuius, Eiectus, & Apostata? Respondeo, Fugitiuum propriè eum esse, qui abiiciens Obedientia iugum, se subtrahit Präposito suo, & à Monasterio recedit, vt se Präposito celet, si ue habitum exuat, siue non, in L. Quis sit Fugitiuum ff. de editio editto. Veteres iurisconsulti varie definiunt & explicant, quinam fugitiuius serius di-

catur. Sic enim ibi habetur: *Quis sit fugitiuius, definit offlum. Fugitiuius est, qui extra Domini domum fugit causa, quo se à Domino celaret, mansit. Ceterius autem fugitiuum esse ait eum, qui eamente discedat, ne ad Dominum redeat; tametsi mutato consilio ad eum reverteretur: nemo enim tali passo, inquit, penitentia sua novem esse definit. Casius quoque scribit, Fugitiuum esse, qui certo proposito dominum relinquit. Item ad Viciianum relatum est, Fugitiuum ferè ab affectu animi intelligentum esse, non ritique à fuga: nam eum, qui hostem, aut latronem, incendium, ruinamque fuderet, quamvis fugisse verum est, non tamen fugitiuum esse. Item, nec eum quidem, qui à preceptore cui in disciplina traditus erat, fugisse fugitiuum esse, si forte ideo fugit, quia immo derat eum ritebatur. Idemque probat, si ab eo fugeat, cui erat commodatus, si proper eandem causam fugeat. Idem probat Vicianus, si fuius cum eo agebat, hec ita, si eum fugisset, & ad dominum venisset. Ceterius, si non ad dominum venisset, & sine villa dubitatione fugitiuum videtur, in hoc scilicet, ut fuga nascitur occisionem se subtraheret. Nam sit, tanet si fugere non posset videri, qui domini manus fuerit: tamen eum fugitiuum fuisse. Si autem in hoc tamum latuerit, quoad iracundia domino deferueretur, fugitiuum non esse; sicuti nec eum quidem, qui, cum Dominum animaduertiter verberibus afficeret velle, proripi se ad amicum, quem ad precatum perducere; sed nec eum quidem fugitiuum esse, qui in hoc progressus esset, ut se precipitaret. Illud enim verum non est, esse fugitiuum eum, qui non est aliqua sine voluntate Domini manuisset, sed ab affectu animi cuiusque astimandum. Idem Vicianus ait: Si à magistro puer recepit, & ruerit ad matrem peruenit: cùm quereretur, num fugitiuius esset? Si celeri causa, quod ad Dominum reverteretur, fugisset, fugitiuum esse. Si vero, ut per matrem faciliorem depreciationm haberet delicti aliquius, non esse fugitiuum. Hæc ibi. Eiectus est is, qui ob culpam suam extra Monasterium expellitur. At Apostata est suscepit Religionis desertor, hoc est, qui à Monasterio recedit animo & voluntate liberè extra Monasterium viuendi. Fugitiuius enim aliquando se ad tēpus fuga proripi. Quare omnis Apostata est fugitiuius; quamvis non omnino fugitiuius, Apostata esse videatur.*

Secundò queritur, An Coenobium ius habeat ejiciendi Monachum? *Cardinalis in Clement. Ne in agro. §. Quia vero, de flatu Monachorum, sensit ob nullum crimen posse iure communì à Monasterio Monachum ejici, etiam si contumax sit, & obedire recusauerit, & corrigi, ac emendari noluerit. Id ille colligit ex cap. Impudicas. 27. quæst. 1. & cap. Ne Regio. De Regularib. quæ iura derogare videntur auctoritatem Regulis Monachorum concedentibus facultatem ejiciendi Monachum. Sed communis est sententia receptum, quod S. Bonaventura in opus. quod scriptis de determinationibus questionum circa Regulam S. Francisci, cap. 14. Humbertus in expositione Regulae S. Angustini, cap. 99. Turrecrem. in expositione Regulae S. Benedicti, tral. 88. tradiderunt, post expelli eum, qui obedire & corrigi noluerit; ut expressum docuerunt Angelus verbo Abbas, q. 18. Silu. religio 6. q. 17. Tabien. religio. q. 45. Armil. religio. q. 28. S. Th. auctoritate permotu. quod. 12. q. vlt. vbi ait, quoniam secundum Apostolum malum est auferendum, ne modicum fermentum tota massa corruptatur; ideo Monachus si corrigi, & emendari renuerit, cù contumax est, merito repellitur. Quæ opinio & cum iure ipso, & cum Regulis religionum co-*

gruit;

gruit; denique cum rationis ipsius prescripto. Etenim in c. vlt. de Regularib. tanquam certum ponitur id iure heri posse: nam ibi statuitur, ut fugitiui vel eiecti reducantur: & Regula S. Benedicti aperte concedit, c. 19. Monachum semel & iterum fugientem ex Monasterio posse recipi, si de peccato dolens reuertatur; at si tertio recesserit, eum non amplius admittendum. Immo etiam manifeste prescribit, Monachum, qui sepe admonitus se se non emendauerit, ferro abscissionis eiciendum, ne vna ouis moribunda totum gregem contaminet. Deinde subiungit haec verba: *Frater, qui proprio vitio egreditur, aut projicitur ex Monasterio, & reliqua Regula quoque S. Augustini facultem & ius tribuit Monachum eiciendi.* Et ita est ubique in more positum, ut Religiosi ob certa crimina per sententiam ex Monasterio expellantur. Decernit enim Regula S. Augustini, quis emendatoriam subire vindictam recusauerit, de vestra Societate proiecitur: non enim hoc sit crudeliter, sed misericorditer, ne contagione pestifera plurimos perdat.

Ac ius quidem etiam naturale id manifeste confirmat. Si enim Monachus corrigi, & emendari nolit, ne cateros offendat, aut corrumpat, extrudi & eici potest. Sic Clericus ob crimina, omni Ecclesiastico privilegio nudatus, ciuilis magistratus, a potestate traditur.

Objicies; solū inde coelredi iure eū posse ad perpetuum carcere condēnari, non autem extra Monasterium eici, ne liberè, ac licenter vivat; sic enim ei sepius peccandi dabitur occasio, si suæ libertati permittatur. Respondeo, si extra Monasterium expellitur, non hoc ideo sit, ut liberius pectet, ac deterior fiat, sed ut pudescat, ita ciuitas & commodiū resipiscat. Deinde objicies, Monasterium Monacho alimenta debere, non igitur ijs denegatis potest inde detrudi, ne fame conseruat intereat? Respondeo, meritò ei alimenta de negari, ut facilius, ac promptius ad meliorem vita frugem sele deducat. Neque tamen Monasterium illi viatum necessarium subtraheret, penitus ad eum sibi comparandum inepto, nec aliunde habituro, vnde commodè vivere possit. Quare cum possit sibi ipse de viatu propicere, meritò & alimentis, & Monasterio priuatum, ut ad men- tem redeat saniorum. Sic enim vexatio dabit intellectum. Demum objicies id, quod habetur in c. vlt. de Regular. vbi præcipitur, ut Præpositi fugitivos, & eiectos perquirant, & reuocent, atque eos corrigant. Respondeo, nihil argumento conclu- dinam quos ibi eiectos intelligat ius Canonici inferius exponā, in præfentia dicere sat is est, nomine eiectorū eo capite accipi eos, qui absq; iusta causa dimittuntur. Sed tales non sunt, qui ejiciuntur, quod corrigi & emendari recusant, aut quos expellendos Religionis institutum, & regula prescribit, aut qui legitima sententia ob dilecta expelluntur.

Tertiū queritur, An ob alia vitia, & crimina præter quam ob contumaciam Monachus professus posset iure ex Monasterio expelli? Sententia est aliorum nullum professum, quibuslibet criminibus, ac vitijs obstrictum, posse extra Monasterium & Ordinem eici, dummodo corrigi & emendari velit, sed in carcerem perpetuum,

vel ad tempus detrudendum, vel alia poena iuxta religionis instituta merito coercendum. Id probat, quoniam ita docuerunt Ang. Silu. Tab. Ar- mil, loc. supr. citata. S. Th. auctoritate perducti, quoniam sententiam videtur etiā ante eos tenuisse Card. & Abb. & alij. Ne eiectus Monachus occasionem arripiat liberioris & licentioris vita, cum magna multorum offensione. Mihi tamē videtur probabilius, iure quidem communī non nisi eos, qui corrigi renunt, posse iure dimitti, & auctores prefati de hoc iure communī videntur loqui: at iure peculiarī, & instituto cuiusque religionis ob multa alia delicta, & vita potest Monachus merito expelli. Regula Augusti, ob contumaciam folam, Monachum eiciendum prescribit. At Regula S. Benedicti habet, ne Monachus tertio recessens, amplius admittatur, quamvis redeat: & alii qui sunt religiosorum instituta, que confituit, ut si quis in professione emitenda, aut in ipso in religionem ingressu certum vitium, aut crimen tacuerit, aut certum morbi contagiosi genus occultauerit, aut postea certum delicti genus admiserit, liberè dimitti & expelli queat: nam in his religiosorum Ordinibus, in professione, quam religiosus emitit, aut in ingressu, quo in religionem admittitur, tacita subest conditio & coniunctio, ut si hoc vel illud vitium vel crimen, vel morbum tacuerit, vel delictum admiserit, enciatur.

Quarto queritur, Ali extra Monasterium eiectus eo ipso sit tribus religionis votis solutus & liber? Respondeo, minime: nec, nō penes religionē ius est, vlla autērīa auctoritas professū religiosos voto liberandi. Quare Monasterio eiectus nihil tāq; propriū sibi potest acquirere, neq; capere, sed solū ius habet ea sibi querendi, quibus omnino ad viatum, vestitum, & habitationem indiget. Nec horum proprietatem, aut dominium, vel viam, aut viam frumentum, qui in iure consit, vlo modo sibi comparat, sed nudum viam, qui res est facti, nō iuris: necenim cum voto paupertatis per solemnam professionem facto, pugnacivus rei ad vitam sim plicer necessarius. Si QVAERAS, an idem iuris sit de quolibet eiecto: nam quidam ejiciuntur, ut contumaces, eo quod emendari, & corrigi recusant: alij expelluntur, eo quod sententia iudicatum qui ad id destinantur, conuicti criminum, dimittuntur Monasterio, & habitu religiosis priuat, ut indigni. Respondeo, idem iuris est in omnib; eiectis & expellis; nā religione, habitu, & alimentis debitis spoliatur, sed vocis nō solutur: quare vbi cito finit, votis religionis tenetur obstricti, neq; enim definuit esse Monachi, vel religiosi, sed ob dilecta ejiciuntur, ut extra Ordinem vel Monasterium viuant, & poena iusta ac debita puniantur.

Quinto queritur, An qui ante ingressū in religionē votū fecerat religiosa vita simpliciter suscipiédi, ac postea certa aliquā religionē profesus, & ab ea meritò expulsus, debeat alia exquirere, & petere, si eū facti iā sui penitentia religio prior recuset admittere? Quida, inter quos videtur esse Sot. l. 1. de inst. q. 2. a. 1. ad. 3. exfiltrat, cū oportere alia adire, eāq; amplecti, eo quod ante professionē emissā erat adstrictus simplici voto religionē absolute capefendi. Deinde, quia sicut qui post simplex Castitatis votū ad Matrimonium trahire, & postea morte cōiugis folueretur, deberet omnino

omnino castitatem seruare: & par i ratione Religiosus ad Episcopatum electus, si se eo munere abdicaret, iure cogeretur ad Religionem, unde assumptus & electus ad dignitatem fuerat, reue-
tis: sic etiam religiosus electus, votum religionis, quod ante professionem emiserat, debet exolu-
re. Mihil tamen horum sententia aut falsa, aut cer-
te dubia videtur: quoniam obligatio semel ex-
tineta non reddit: sed votum simplex Religionis
per solemne in aliquo religiosorum Ordine e-
missum planè extinguitur, ergo nunquam reui-
uiscit. Respondebunt illi, minimè extingui, sed
quasi sopiri, ac, ut dici in scholis solet, suspendi
ad tempus. Sed hoc dicit nequit, quia ut supra con-
clusimus, vota extra Monasterium facta, in sole
mnem Religionis professionem commutata, ve-
re extinguntur, ac cessant. Alioqui enim in Mo-
nacho professo, & extra Monasterium electo ex-
teria omnia vota ante Deo nuncupata reuise-
rent. Accedit, quod electus Monachus adiunctus
professionis vinculo tenetur, ac debet, si est elec-
tus, ut contumax, eo quod emendari & corrigi
noluerit, ad Monasterium redire, nisi causa eum
legitima soluat, ac liberet ab hoc obligationis
nexu, cum per Monasterium non ster, quo minus
reuertatur. Quod si per ipsum Monachum stete-
rit, quo minus redeat, vel admittatur ad suam re-
ligionem, nullo iure cogitur ad alium se conferre,
quod si publica sententia fuerit ob criminis re-
pullus, nihil refert; quoniam per solemnum pro-
fessionem, quam fecit, vota, quae ante emiserat, o-
mnino cessarunt extincta. Neque vero id iuris est
in eo, qui se post simplex castitatis votum matrimo-
nio coniuxit: nec enim per Matrimonium, votum
antea factum extinguitur. Ita cum Religio-
sus ad Pontificium munus & dignitatem eligitur
& promouetur, non planè liberatur a voto: & ap-
petere eo munere abdiciatur, ratione voti cogi-
tur ad Monasterium redire.

Sexto queritur, An Monachus electus debeat
ad Monasterium redire correctus & emendatus,
si eum Monasterium ipsum velit recipere? Item,
electus ex uno Ordine Religiosorum vtrum redire
cogatur, si Ordo velit ipsu[m] recipere? Respon-
deo cum Nauarro consil. 51. de Regularib. & consil. 3. de
statu Monach. & Comment. 2. de Regularib. numer. 36. elec-
tum publica sententia iudicium ad id destinato-
rum ad redditum non compellit: quoniam sicut ser-
vus derelictus a domino, eo ipso, sit sui iuris, sic
Religiosus per sententiam iustum expulsus, qua-
si sui iuris esset, hoc est, tutu[m] conscientia ex-
tra eam Religionem, est qua electus est, viuit, ut in
eo iustum sententiam, & poenam sustineat, ac lu-
at. Item, quia per sententiam iustum definit esse
Monachus Religionis, vel Monasterij, vnde est
repulsus. Insuper, quia per sententiam iustum
est in perpetuum, non ad tempus condemnatus,
ut extra eam Religionem, vel Monasterium vi-
uat.

Septimò queritur, An debeat electus per sen-
tentiam iustum se ad aliam Religionem conferre
an potius tutu[m] conscientia possit extra omnem
Religionem in seculo vivere? Respondeo cum
Nauarro eisdem locis: iure posse in seculo mane-
re: quoniam numquam vult ingressum in ali-
am. Obiectes, cum vnam est professus, sese Re-

ligioni generatim obstrinxit. Respondco, verum
id est, sed manens in seculo, Religiosus adhuc
est, & tribus votis obstrictus, quamvis per senten-
tiā extra Religionis claustra vivat.

Ostaud quæritur, Cuiam Monachus fugiti-
vus acquirat extra Monasterium? Respondeo
cum Panormitanō & alijs in cap. vlt. de Regularib.
si nullam aliam Religionem profiteatur, nec vlli
præficiatur Ecclesiæ, suo Monasterio acquirit: vnde
Abbatis ius est cum rependi, & vendicandi
sibi quicquid ille extra Monasterium compara-
uit, ut colligitur ex c. Abbates. 18. q. 2. sicut quicquid
seruus fugitiu[m] acquirit, non sibi, sed domino
acquirit: Si in aliud Monasterium fuerit ingres-
sus, acquirit Priori, vnde fugiendo recessit: nam
fugitiu[m] Monachus in aliud Monasterium iure
nequaquam admittitur. Quod si legitimè ad ali-
ud Coenobium se contulerit, Priori acquirit;
quicquid ante ingressum in secundum lucratu-
r. Ad secundum vero pertinet quicquid lucri-
facit post emissam professionem in secundo. Si
fuerit Ecclesiæ seculari præfector, aut id fit legiti-
mè, aut non fit. Si hoc secundo modo ad Mo-
nasterium attinet, quicquid comparat. Si primo,
tunc quicquid lucrifecit studio, & causa Eccle-
siæ, credit in ius & dominium Ecclesiæ. Cetera
vero, quæ causa sua personæ comparat, ad Mo-
nasterium pertinent. QVÆRES, Cum dubitatur de
aliquo, an in ratione Ecclesiæ, an vero ratione
personæ acquisierit, quid tunc sit consilij capien-
dum? Respondeo cum Abbatie loco citato, rem
coniecuris definendam. Si id Monachus ille
aceperit ab aliquo sibi propinquo, indicandum
est, ipsi datum gratia ipsius, non Ecclesiæ, cui præ-
est, & proinde ad Monasterium transibit; si ab ex-
traneo, cedet Ecclesiæ.

Nono queritur, Cui acquirat Monachus è Mo-
nasterio vel religione electus? Resp. si sit contra ius
electus, suo Monasterio acquirit, nā eiusmodi ini-
qua electio nihil Monasterio obest: neq; n. Abba-
tis delictū Ecclesiæ nocere potest, c. 51. Episcopi. 16. q.
6. & c. Delicta, De reg. in 6. Vnde Monasteriu[m] iure
cogitur eū repetrere, & recipere, ita ut si id facere
recusat, auctoritate Episcopi, vel alterius Superioris
compelli queat, non solum alimenta de-
bita, & necessaria ei præbere, verum etiam ea o-
mnia bona restituere, quæ Monachus in Mo-
nasterium contulerat. Si vero sit per sententiam elec-
tus, quidam consentit, in ius Monasterij cedere
quicquid acquirit, sic Goffredus à Panormitano
citatus in c. 1. de infantibus & languid. expositis. Idem vi-
detur docere Sil. Apoštata. q. 9. quoniam Monas-
terium ius suum non amittit, ob Monachi deli-
ctum, ratione cuius, per sententiam iustum ejici-
tur: item Monachus electus resipescere debet, &
ita corrigi, & emendari, ut dignus sit, qui in Mo-
nasterium restituatur; ac proinde non est peni-
tus abscessus. At secundum Nauarrum in Comm. 2.
de Regularib. numer. 33. ex Abbatie, in c. 1. de infantib. & languid.
exposit. & c. vlt. de regular. non acquirit Monasterio.
Id probant illi, quia desit esse Monasterij mem-
brum & pars, nam pro derelicto habetur, veluti
seruus derelictus non amplius domino acqui-
rit. Et hoc magis Panormitano, & Glosa in c. 1. de
infantibus citato, placuit, quod & mihi probabilius
videtur, quoniam electus per sententiam iustum

habe.

habet pro derelicto. **S**i QVAERAS, cui igitur talis Monachus acquirit, si nec sibi, nec Monasterio acquirit? Et sermo est de electo, nec aliam Religionem professo, nec ad villam Ecclesiam electo: talis enim Monachus, vel secundo Monasterio, vel cui praest Ecclesia acquirit. Afferit Nauarrius Abbatem sequutus, eum acquireres quod ad dominium quidem & proprietatem attinet, Deo; quod vero ad ius administrandi, Romano Pontifici, aut Episcopo, in cuius est potestate. Panormitanus simpliciter ait, quicquid acquirit, ad Episcopum pertinere. Quidam Nauarrius oppugnat, eo quod dixerit eiusmodi electu religiosum, Deo acquirere. Quia certe dominium, & proprietas neque Deo acquirit: summum. n. ille reru omnium dominium habet, nec aliquid omnino est, quod possit suum esse definire. Nihil enim potest incipere esse in dominio eius: id enim acquiritur alicui, quod eius esse incipit, cum antea non esset. Sed Nauarrius ideo dixit, Deo dominium, & proprietatem acquiri; quoniam, vt alibi dicam, sentit, honorum Ecclesiasticorum, cuiusmodi sunt etiam, quae Religiosus acquirit, dominium esse penes Deum, administrationem vero penes Ecclesiarum Praefectos: bona autem Ecclesiastica ideo dicuntur esse Dei, quia in nullius hominis bonis sunt, & eo ipso, quo facta fuerint Ecclesiastica, sacra, & religiosa, desinunt esse in bonis hominum, quia commercijs & viis hominum nunquam amplius inseruire queunt, quamdiu bona sacra sunt. **D**icendum itaque prout, bona omnia, quae ille Monachus acquirit, ad Principem vel Rempublicam pertinent, hoc est, ad Romanum Pontificem, vel Ecclesiam, vel Episcopum; instar eorum honorum, quae vacantia dicuntur. Nec enim villa esse queunt bona, quorum dominium, & proprietas, vel ius administrationis penes aliquem hominem, aut hominum congregationem, aut Collegium, aut Collegij Praefectum non sit. Vnde quemadmodum si quis absque ullo proflus herede decebat, eius bona tanquam vacantia, ad Principem, aut Rempublicam ciuilem deueniuntur: sic etiam eius rei, quam ille Monachus electus acquirit. **V**lbus, qui est res facta ad ipsum pertinet, ius vero administrationis ad Romanum Pontificem, qui est summus Ecclesiæ princeps, & supremus omnium religionum praefectus; ac proinde per obitum Monachi vobis, quasi ad proprietatem & dominium, hoc est, ad ius administrationis renatur, & cum eo vna coniungitur & consolidatur, ut iurisperiti loquantur, vel ius administrationis pertinet ad Episcopum, in cuius dicecessi; ac proinde in cuius cura & potestate eiusmodi Religiosus vivit.

Decimo quæritur, Quidnam dicendum, si aliqua religio (qd' absit) deleretur, & religiosi permitterentur leparatum vivere, cuinam acquireret id, quod donatione, industria, arte, vel labore compararent? **R**espondet Nauarrius in *Comment. z. de regularib. n. 34.* dominium & proprietatem Deo acquiri, cuique vero illorum vobis nudum, qui est res facta, non iuris: ius autem administrationis esse penes Episcopos: in quorum potestatem Religiosi reciderent. Alij respondet, dominium, & proprietatem acquiri summo Ecclesiæ principi, hoc est, Romano Pontifici, in cuius potestate nunc

sunt vniuersi Religiosi ab Episcoporum iurisdictione exempti. Quod si Episcopis esset, ut olim, Monachi subiecti, tunc vobis sibi quisque acquereret, dominio, & proprietate in i. Episcoporum potestatem & ius cedente. Bona enim nisi oro derelictis habeantur, non manent incerta, quamvis nullum habeant heredem, sed ad principem, vel Rempublicam pertinent, quod attinet ad eorum dominium: & ius administrationis, ergo eorum bonorum administratio ad Episcopos, vel ad Romanum Pontificem pertineret.

Vnde decimo quæritur, An Religiosus electus, si nullam aliam religionem capessat, debet sele Episcopo offerre, vt in eius sit cura & potestate; cuius mandatis & iussis parere vi voti cogatur? **N**auarrius. *Comment. predicto. n. 35.* responderet, id ab eo fieri oportere, cum tribus sit votis Religionis obstrictus; ac proinde debet esse in Episcopi potestate, vt ei tamquam praeposito & superiori in omnibus obediatur. **A**t enim Nauarrius firmo argumento non conficitur: nam professus sollemnem more Religionem, sele voto obstringit, quo promisit, le perpetuo obediturum Praeposito Generali, ac eius omnibus successoribus, non aliis. Si igitur per iustam sententiam extra Monasterium emititur, vi & ratione voti non cogitur ateri obediare. **Q**uare latius est, si Episcopo instar aliorum Clericorum obtemperet. Item, euimodi religiosus electus non cogitur, vt etiam Nauarrius satetur, vivoti ad aliam religionem transire, quia id non votum. Ergo nec compellitur vi voti Episcopo se offerre, vt in eius cura & potestate speciali sit tanquam religiosus. Accedit, quod id vobis, & more nulquam seruatur. **P**otremo, euimodi Religiosus electus, quamvis absque religione sit, quia est ex religione per iustam sententiam depulsus, est tamen vere & propriè religiosus: sicut Episcopus sua Ecclesia ipsius, vere & propriè est Episcopus, & sine Ecclesia: ergo est trius votis obstrictus, & eo ipso debet eo animo esse, vt Superiorum iussis obtemperet, quandoque in Superiorum cura & potestate constitutus.

Hinc etiam soluitur illa Nauarri quæstio, An Monachus electus debet sele Episcopo offerre, vt sibi certum vitæ modum, & rationem praæcribat, quam tenet, neque enim vi voti id facere debet. Soluitur illa etiam quæstio cuinam Episcopo se subiaceat debet, originis, an domicili, an Beneficii, in cuius Episcopi potestate erat, antequam Religionem capesset: an potius Episcopo, in cuius diecessi situm est Monasterium, unde est expulsus. Præterea Nauarrius, cum subiaceat Episcopo originis, eo quod originis domicilium est immutabile. **L. Assumptio. ff. ad Municipales:** nec perditur per accessionem dignitatis, quia non aufer, sed cumulat domicilium, **L. Seniores. ff. De Senioribus.** Amplius, domicilium, inquit, ratione Abbatæ, Monachatus, aut Beneficii, adquisitum non durat, nisi quandiu quis fuerit Abbas, vel Monachus, vel Beneficij possessor. Domicilium item habitacionis tollitur, cu qui ab eo habitatum se confert: at per professionem Monasticam mutat, quis domiciliu habitacionis. **S**ed enim tota hac quæstio uno verbo diluitur, electum Monachum in morem aliorum Clericorum Episcopo subiaci, in cuius tunc diecessi vivit.

Duo

Duodecimū quæritur, Cui acquirat Religiosus per iustam sententiam Monasterio, & habitu priuatis, & ad tritemes damatus, si quid in eis fecerit luci? Respondet Nauarrus *Commentario prædicto, num. 34.* quamdui est in tritemibus, Episcopo subiecti, ad cuius dioecesim ceteri, qui in tritemibus derinentur, pertinent: & proinde illi etiam acquirere: quod si tritemes euaserit, subiecti Episcopo originis, & ei pariter acquirere. Sed quid si electi Religiosi relegentur ad Provincias à sua origine omnino remotas? Ait Nauarrus ibidem, eos esse subiectos Romano Pontifici. Finge tibi aliquot Religiosos per sententiam iustum a Monasterijs apud Indos expulso, & relegatos in Occidentem: subiecti, inquit, erunt Romano Pontifici. Porrò, an penes Religionis Præfectum, sit potestas delinquere Religiosum ad tritemes damnandi, inferni disputabo.

Decimotertio quæritur, An Monachus per sententiam iustum electus ut possit tuta conscientia Clericorum habitu, absque vlla Pontificia facultate? Respondeo cum Nauarro *comment. 2. de regularib. num. 36.* posse: nam pristinum Religionis habitum contra sententiam deferre, fas ipsi non est; sicut nec vt alterius Religionis habitu, cum ad aliam non transferit, nec vlo iure transfire compellitur, vt supra dixi. Quamuis S. Bonavent. in opere de determinationibus questionum circa regulam S. Francisci, c. 14. dicere videatur electum à religione transferre ad aliam: nec posse iure in seculo vivere. Sed cum Nauarro in hoc capite, quest. 7. dixi, eum ad aliam religionem se conferre non debere. S. Bonaventura loqui videtur de electo, qui in seculo citra probable æternæ salutis periculum vivere non potest.

Decimoquarto quæritur, An electo Monacho licet ex mendicato cibo vivere; an potius debeat sibi viatum manum suarum labore conquirere? Respondet Nauar. *comment. citato, num. 37.* sicut cuique liberū est, sua omnia pauperibus erogare, & mendicato cibo pasci, sic etiā liberum est electo Monacho vivere ex elemosynis mendicatis.

Caput XVII.

Aliæ questiones de eadem re dissolvuntur.

PRIMO quæritur, An electus per sententiam iustum a Monasterio repeti debeat; rursus, An cöpeli quæst illud redire? Questionem hanc mouet id, quod definit Gregorius Nonus in cap. Ne Religioni. De regularibus. Vbi ait: Ne Religioni viri vagantes occasionem habentes, salutis proprie detrimentum incurvant, & sanguis eorum de Prælatorum manibus requiratur; statim, vt præsidentes Capituli celebrandis secundum statutum Concilij Generalis, seu Pares, abbates, seu Piores fugitiuos suos, & electos de ordine suo requirant sollicitè annuam. Qui si in Monasterijs suis recipi possunt secundum ordinem Regularium, Abbates, seu Piores eorum monitione prævia, per Ecclesiasticas censoras compellantur ad receptionem ipsorum falso Ordinis disciplina. Quod si hoc Regularius Ordo non patitur, auctoritate nostra prouideamus, vt apud eadem Monasteria in locis competentibus si absque graui scandalo fieri poterit: aliqui in alijs Religionis dominibus eisdem Ordinis ad agendum ibi panitentiam, talibus vita necessaria ministretur. Si vero huiusmodi fugitiuos, vel electos in-

obedientes inuenient, eos excommunicent, & tamdiu faciant ab Ecclesiarum Prelatis excommunicatos publicè numerari, donec ad mandatum ipsorum humiliter reverentur. Hæc ibi. Est igitur dubia questionis, An Præpositi Religioni fugitiuos, & electos, quotannis perquirere debeat, & eos ad redditum compellere? Respondet Nauarrus *Comment. citato, num. 36.* quod pertinet ad fugitiuos, hoc eos præstare debere, talesque ab eis etiam reluctantes, & inuitos ad regresum esse compellendos: Quod vero actinet ad electos, esse reducendos, & recipiendos, si reuerteri voluerint, fecus vero si recusauerint. Id probat, quia Panormitanus, Cardinalis, Butrius, & Antonius, quos ille citat, non eodem modo loquuntur de Fugitiis, & Electis: aiunt enim, fugitiuos quotannis perquirēdos, ac etiam, vel inuitos esse reuocados; Electos vero nō nisi redire volentes.

Objicies ex capite citato, generatim ibi Pontificem statuere, vt Fugitiui, vel Electi perquirantur, & reducantur. Respondet Nauarrus, caput illud intelligi de Electis iniuste, hoc est, iurius ordinis prætermisso, & neglecto. Deinde objicies, eos esse ob crimina expulso, ergo sunt reuocandi siquidem eius tantum rei gratia è Monasterio ejiciuntur, vt sic prædicti resipiscant, ac vitam instituant meliorem. Sed ad hoc respondet Nauarrus, eos nequaquam esse electos ad tempus, vt corriganter, & emendentur, sed in perpetuum, vt poena debita puniatur: hoc enim, ait, eos ob culpam suam meruisse. Alij respondent totum prædictum Gregorij Noni decretum, cum sit iurius humani, vnu, & consuetudine abrogatum fuisse: neque enim Religionum Prefecti Religiosos electos quotannis perquirunt, neque reducunt, neque repetunt. Item multi ob certa quadam vitia, & delicta sententia iudicatum ad id destinatorum ejiciuntur in perpetuum, nec amplius reducantur. Deinde vnu introductum est in Italia, Hispania, & Gallia, vt Religiosi ob crimina, quibus capitalis pena est irrogata, ad tritemes condementur.

Secundū quæritur, An si per iustum sententiam electi reuerti voluerint, debeat eos Monasterium recipere? Rationem dubitandi excitat id, quod in Regula S. Benedicti habetur: Monachum tertio fugientem, & redeuntem non esse amplius recipiendum. Humbertus, quem sequitur Turrecremata, respondent in hunc modum: Si extra Monasterium electi alios sue mala vita exemplo offendat, recipi debent, si intra Monasterium accommodatus sit carcer, in quem coniugi possint. Si vero extra Monasterium neminem offendunt, nulli a obligatione Religiosi tenentur eos admittere, cù primam correcti, & emendati redierint: tandem illi tamen admitti debent, si in vita emendatione perfuerint. Sic ille, S. Bonaventura videtur insinuare Religiosos nullo iure compelli ad eos recipiendos: ipsi tamen electi, inquit, debent ad aliam Religionem se recipere, si commode possint: nam licet ingressum in aliam non voleant; ita tamen certam unam professi fuerint, vt se Religioni generatim obfrinxerint. Cum enim ad secularem vitam redire nequeant, nec item possint ad laxiorem Religionem transfire, culpa sua melioris conditionis effecti non sunt, vt extra omnem Religionem vivere libere queant. Sic Bonaventura. Sed vt ante iam dixi, nullo iure compellitur, qui est per sententiam iustum electus ad aliam religionem transfire, nec tribus votis foliatus est, quamvis in seculo commoretur.